

**MALAYSIA
DEWAN RAKYAT
ATURAN URUSAN MESYUARAT**

NASKHAH SAHIH/BAHASA MALAYSIA

<http://www.parlimen.gov>

HARI RABU, 16 NOVEMBER 2016, PUKUL 10.00 PAGI

Bil. 48

PERTANYAAN-PERTANYAAN BAGI JAWAB LISAN

1. PR-1343-L76096
Dato' Haji Ahmad Nazlan bin Idris [Jerantut] minta **MENTERI SUMBER ASLI DAN ALAM SEKITAR** menyatakan adakah Kementerian sedar terumbu karang adalah penting untuk pembiakan dan nurseri hidupan laut, tarikan pelancong dan sebagainya. Sehubungan itu, Kementerian menerangkan dengan lebih lanjut usaha-usaha dilaksanakan dalam memulihkan kawasan terumbu karang yang musnah akibat kelunturan karang dan kawasan yang musnah akibat aktiviti manusia.
2. PR-1343-L75611
Laksamana Pertama Mohamad Imran bin Abd Hamid (B) [Lumut] minta **PERDANA MENTERI** menyatakan apakah program Dakwah Islamiah yang didedahkan kepada pendakwah Orang Asli di seluruh Malaysia.
3. PR-1343-L76028
Datuk Koh Nai Kwong [Alor Gajah] minta **MENTERI PELANCONGAN DAN KEBUDAYAAN** menyatakan adakah Kementerian merancang untuk menyediakan maklumat berkaitan pelancongan di setiap stesen bas GoKL yang perkhidmatannya diberi secara percuma dan banyak digunakan oleh pelancong asing.
4. PR-1343-L76251
Tuan Idris bin Haji Ahmad [Bukit Gantang] minta **PERDANA MENTERI** menyatakan berapakah jumlah peruntukan untuk TV Al Hijrah setiap tahun daripada 2011 sehingga 2015 dan berapakah perolehan daripada iklan yang disiarkan.

5. PR-1343-L76926
Dato' Dr. Noraini binti Ahmad [Parit Sulong] minta **MENTERI DALAM NEGERI** menyatakan apakah statistik terbaru penagih dadah bagi golongan bawah umur dan wanita sejak 2009, adakah menaik atau menurun dan apakah faktor dan langkah yang diambil bagi memastikan masyarakat tidak terjebak dalam gejala ini.
6. PR-1343-L76289
Ust. Datuk Dr. Mohd. Khairuddin bin Aman Razali [Kuala Nerus] minta **PERDANA MENTERI** menyatakan status semasa projek pembangunan 11,530 unit kediaman di bawah program Perumahan Generasi Baharu Felda yang menelan belanja melebihi RM1 bilion.
7. PR-1343-L77406
Datuk Haji Shabudin bin Yahaya [Tasek Gelugor] minta **MENTERI SAINS, TEKNOLOGI DAN INOVASI** menyatakan apakah strategi yang diambil oleh Kementerian untuk membangunkan syarikat-syarikat baru dalam bidang pembangunan aplikasi teknologi Internet of Things (IoT) dan Big Data Analytics yang kini mempunyai potensi yang amat besar dalam industri ICT negara.
8. PR-1343-L76980
Tuan Ahmad Baihaki bin Atiqullah [Kubang Kerian] minta **MENTERI KESIHATAN** menyatakan apakah langkah penyelesaian yang diambil bagi mengatasi masalah kekurangan bekalan ubat di hospital Kerajaan kesan daripada pemotongan peruntukan bajet tahun 2016 bagi Kementerian Kesihatan.
9. PR-1343-L75554
Tuan Budiman bin Mohd. Zohdi [Sungai Besar] minta **MENTERI PENDIDIKAN** menyatakan apakah kesan-kesan positif yang telah dicapai di bawah program Penjenamaan Semula Tingkatan Enam dan bagaimanakah penjenamaan semula ini telah dapat mengeneipkan persepsi bahawa tingkatan enam adalah pilihan kedua jika tidak dapat menempatkan diri di universiti awam.
10. PR-1343-L76538
Dato' Dr. Nik Mazlan bin Nik Mohamad [Pasir Puteh] minta **MENTERI PEMBANGUNAN WANITA, KELUARGA DAN MASYARAKAT** menyatakan berapa ramai kelahiran luar nikah sejak 2010. Apakah usaha-usaha daripada Kementerian untuk menangani masalah ini.
11. PR-1343-L76460
Tuan Che Mohamad Zulkifly bin Jusoh [Setiu] minta **MENTERI KEWANGAN** menyatakan jumlah aduan dan tindakan undang-undang yang dikenakan terhadap syarikat yang menjalankan Skim Cepat Kaya di bawah Akta Perkhidmatan Kewangan negara ini.
12. PR-1343-L76955
Dr. Che Rosli bin Che Mat [Hulu Langat] minta **MENTERI SAINS, TEKNOLOGI DAN INOVASI** menyatakan kedudukan dan keupayaan Synergy Sterilisation Rawang (M) Sdn Bhd selepas mengalami kebakaran dan kemalangan Penyinar Gamanya.

13. PR-1343-L77156
Dato' Ir. Haji Nawawi bin Ahmad [Langkawi] minta **MENTERI PERUSAHAAN PERLADANGAN DAN KOMODITI** menyatakan apakah inisiatif baru yang ingin dilaksanakan oleh pihak Kementerian dalam membantu golongan pekebun kecil dan petani mengatasi kos sara hidup yang semakin meningkat berikutan cuaca yang tidak menentu.
14. PR-1343-L76985
Dato' Kamarul Baharin bin Abbas [Telok Kemang] minta **MENTERI KESIHATAN** menyatakan :-
- (a) kesan usaha Hospital Beyond Border (HBB/NGO) yang telah diiktiraf sebagai pencetus perubahan dalam agenda Pembangunan Kelestarian 2030, Pertubuhan Bangsa-Bangsa Bersatu (PBB) pada tahun ini melalui khidmat perubatan kepada komuniti kurang berkemampuan; dan
 - (b) rancangan Kementerian untuk mengembangkan lagi usaha serta kerjasama seumpama ini bersama NGO-NGO bagi manfaat masyarakat dalam perkara-perkara yang melibatkan kesihatan dan perubatan.
15. PR-1343-L75940
Dato' Sri Dr. Haji Irmohizam bin Haji Ibrahim [Kuala Selangor] minta **MENTERI PENDIDIKAN** menyatakan adakah terdapat kajian khusus dijalankan untuk mengenal pasti tahap stres guru-guru pada hari ini.
16. PR-1343-L76624
Dato' Dr. Mujahid Yusof Rawa [Parit Buntar] minta **MENTERI KESIHATAN** menyatakan bagaimanakah perkembangan "*Traditional complementary Medicine*" (TCM) di negara kita dan apakah usaha Kementerian untuk memperkenalkan TCM di Malaysia.
17. PR-1343-L76855
Tuan Anyi Ngau [Baram] minta **MENTERI KEMAJUAN LUAR BANDAR DAN WILAYAH** menyatakan jumlah peruntukan kewangan yang telah dibelanjakan pihak Kementerian untuk naik taraf jalan balak di Sarawak sejak 2013. Nyatakan jarak dan jumlah peruntukan yang dibelanjakan di kawasan Baram.
18. PR-1343-L76659
Dr. Hajah Siti Mariah binti Mahmud [Kota Raja] minta **MENTERI PENDIDIKAN** menyatakan status permohonan pembinaan Sekolah Menengah Kebangsaan Kota Kemuning II dan status permohonan untuk menambah bilik darjah oleh Sekolah Menengah Kebangsaan Kota Kemuning yang sedia ada oleh PIBG sekolah.
19. PR-1343-L76448
Dato' Sri Hasan bin Arifin [Rompin] minta **MENTERI PERTANIAN DAN INDUSTRI ASAS TANI** menyatakan sejauh manakah pihak Kementerian mengoptimumkan penggunaan aplikasi geospatial dalam meningkatkan hasil pertanian dan apakah elemen-elemen utama dalam aplikasi ini serta adakah ianya merupakan teknologi terkini yang berdaya saing dengan negara maju

20. PR-1343-L76282
Dr. Haji Izani bin Haji Husin [Pengkalan Chepa] minta **MENTERI PENGANGKUTAN** menyatakan adakah Kerajaan bersetuju dengan cadangan menaikkan kadar Caj Perkhidmatan Penumpang dan penyelarasan antara caj tersebut di KLIA dan KLIA 2.
21. PR-1343-L75696
Ir. Shahrudin bin Ismail [Kangar] minta **PERDANA MENTERI** apakah langkah transformasi yang diambil oleh Kementerian untuk tingkatkan lagi tahap keselamatan perairan negara sebagai langkah bagi mengatasi masalah pencerobohan rentas sempadan di antara Malaysia - Thailand (Kuala Perlis - Satun).
22. PR-1343-L77241
Tuan Er Teck Hwa [Bakri] minta **PERDANA MENTERI** menyatakan jumlah permohonan pelarian yang telah diluluskan dan ditolak mengikut pecahan negara asal, jantina, umur, tempoh telah menetap di sini dari tahun 2010 hingga 2016.
23. PR-1343-L77363
Dato' Ahmad Fauzi bin Zahari [Setiawangsa] minta **MENTERI KOMUNIKASI DAN MULTIMEDIA** menyatakan berapakah peratusan penetrasi internet di seluruh negara dan negeri manakah yang masih berada di tahap rendah penetrasi internetnya.
24. PR-1343-L76668
Dato' Haji Mahfuz bin Omar [Pokok Sena] minta **PERDANA MENTERI** menyatakan :-
- (a) apakah pencapaian dan berapa jumlah Rumah Mampu Milik (PR1MA) dan Syarikat Perumahan Negara yang telah siap dan dalam pembinaan; dan
 - (b) apakah langkah yang diambil oleh PR1MA untuk mengatasi kekurangan dan perlahannya pembinaan Rumah Mampu Milik PR1MA dan Syarikat Perumahan Negara.
25. PR-1343-L77380
Dato' Normala binti Abdul Samad [Pasir Gudang] minta **MENTERI KOMUNIKASI DAN MULTIMEDIA** menyatakan apakah tindakan yang dijalankan oleh pihak Kementerian bagi membanteras perjudian *online* di laman sesawang dan di dalam aplikasi-aplikasi telefon pintar seperti *wechat*, *whatsapp* dan lain-lain.
26. PR-1343-L77095
Dato' Seri Mohamed Azmin bin Ali [Gombak] minta **MENTERI KESIHATAN** menyatakan apakah garis panduan dan langkah-langkah yang akan diambil oleh Kerajaan terhadap pesakit yang disahkan dijangkiti virus Zika.

27. PR-1343-L75669
Datin Mastura binti Mohd Yazid [Kuala Kangsar] minta **MENTERI PERTAHANAN** menyatakan mengapakah elaun perumahan anggota tentera (COLA) tidak diberikan kepada anggota tentera yang bertugas di Sabah dan Sarawak tetapi hanya mendapat Elaun Malaysia Timur (EMT) yang diberikan oleh Kerajaan negeri.
28. PR-1343-L77124
Dato' Johari bin Abdul [Sungai Petani] minta **PERDANA MENTERI** menyatakan adakah Suruhanjaya Pilihanraya (SPR) akan membenarkan calon dalam pilihanraya boleh menerima derma atau bantuan kewangan dari pihak luar negara dan jika boleh nyatakan kaedah-kaedah patut dipatuhi.
29. PR-1343-L75687
Dr. Noor Azmi bin Ghazali [Bagan Serai] minta **MENTERI DALAM NEGERI** menyatakan dasar dadah yang memenjarakan golongan penagih sudah begitu lama dan ternyata gagal. Satu projek perintis di Besut yang menidakkan pemenjaraan, ternyata lebih berkesan dari Puspen. Apakah projek perintis ini akan diperluaskan lagi dan diterapkan dalam dasar dadah Negara.
30. PR-1343-L77339
Tuan Liew Chin Tong [Kluang] minta **MENTERI DALAM NEGERI** menyatakan statistik pembantu rumah luar negara (*domestic helpers*) di Malaysia dari tahun 2006 hingga 2016 mengikut pecahan negara.
31. PR-1343-L75850
Tan Sri Datuk Seri Panglima Annuar bin Musa [Ketereh] minta **MENTERI KEWANGAN** menyatakan kadar hutang negara pada tahun 1985, 1995, 2005, 2015 hingga terkini dan keyakinan terhadap prospek pembayaran balik hutang berdasarkan kemampuan fiskal dan pertumbuhan ekonomi domestik bagi menyangkal dakwaan negara bakal muflis ekoran kadar KDNK telah mencecah 53.4 peratus.
32. PR-1343-L76159
Dato' Fauzi bin Abdul Rahman [Indera Mahkota] minta **MENTERI SUMBER ASLI DAN ALAM SEKITAR** menyatakan adakah Kementerian sedar bahawa sejak dihapuskan Jabatan Galian, lombong-lombong di Malaysia seolah-olah berjalan tanpa undang-undang. Ini menyebabkan, antara lain, air sungai dicemar, habuk dan debu berterbangan tanpa kawalan dan menkompromikan kesihatan dan keselamatan rakyat setempat. Contoh adalah lombong-lombong bauksit di persekitaran Kuantan dan Kemaman. Nyatakan langkah-langkah Kementerian untuk mengatasi masalah ini.
33. PR-1343-L77185
Tuan Jeff Ooi Chuan Aun [Jelutong] minta **MENTERI SUMBER ASLI DAN ALAM SEKITAR** menyatakan apakah rancangan strategik jangka pendek bagi mengatasi masalah banjir di negeri Pulau Pinang yang melibatkan agensi-agensi Kementerian Persekutuan.

34. PR-1343-L75782
Dato' Sri Abdul Manan bin Ismail [Paya Besar] minta **MENTERI BELIA DAN SUKAN** menyatakan program dan prasarana yang lebih baik kepada atlet negara sukan olimpik dan sukan paralimpik dalam merealisasikan Malaysia sebagai kuasa negara yang kuat dalam bidang sukan global.
35. PR-1343-L76943
Tuan V. Sivakumar [Batu Gajah] minta **PERDANA MENTERI** menyatakan jumlah pelajar yang melanjutkan pelajaran di luar negeri di bawah tajaan JPA. Nyatakan jumlah wang yang dibelanjakan untuk tujuan ini setiap tahun bagi 5 tahun yang lalu serta komposisi pelajar berdasarkan kaum yang telah diberi peluang tersebut.
36. PR-1343-L77073
Tuan Gooi Hsiao-Leung [Alor Setar] minta **MENTERI SUMBER ASLI DAN ALAM SEKITAR** menyatakan status pelaksanaan projek Rancangan Tebatan Banjir (RTB) Sungai Kedah/Anak Bukit dan jangka masa bila ia akan diselesaikan, dan menjelaskan akibat kelewatan penyempurnaan projek tersebut sekiranya ada.
37. PR-1343-L76706
Puan Rubiah binti Haji Wang [Kota Samarahan] minta **MENTERI PENDIDIKAN** menyatakan inisiatif Kementerian untuk menaik taraf dan membaik pulih infrastruktur sekolah yang berusia melebihi 30 tahun di Kota Samarahan.
38. PR-1343-L77393
Tuan Ramkarpal Singh a/l Karpal Singh [Bukit Gelugor] minta **MENTERI BELIA DAN SUKAN** menyatakan insentif-insentif yang diberi kepada jurulatih-jurulatih atlet-atlet paralimpik yang berjaya di sukan Paralimpik baru-baru ini dan sama ada jurulatih-jurulatih tersebut akan diberi pengiktirafan yang sewajarnya untuk kejayaan-kejayaan mereka, sekiranya ya, nyatakan pengiktirafan tersebut.
39. PR-1343-L75507
Puan Hajah Zuraidda binti Kamaruddin [Ampang] minta **MENTERI DALAM NEGERI** menyatakan jumlah kematian banduan di dalam penjara tahun 2016.
40. PR-1343-L75861
Datuk Abd Rahim bin Bakri [Kudat] minta **MENTERI KEMAJUAN LUAR BANDAR DAN WILAYAH** menyatakan bilakah Kementerian bercadang melaksanakan pembinaan loji air Daerah Pitas berikutan masalah catuan air yang semakin kronik di daerah tersebut.
41. PR-1343-L75804
Datuk Raime bin Unggi [Tenom] minta **PERDANA MENTERI** menyatakan perkembangan dan manfaat kelima-lima wilayah koridor ekonomi (Johor, Perlis, Kedah, Pulau Pinang dan Perak) kepada rakyat hari ini terutamanya di Sabah.

42. PR-1343-L75592
Datuk Dr. Ewon Ebin [Ranau] minta **PERDANA MENTERI** menyatakan :-
- (a) di peringkat manakah tahap proses pemindahan kuasa Kerajaan Pusat kepada Kerajaan Negeri Sabah dan Sarawak sepertimana yang telah diumumkan oleh YAB Perdana Menteri; dan
 - (b) apakah rangkuman kuasa yang bakal dipindahkan kelak.
43. PR-1343-L75896
Tuan Khoo Soo Seang [Tebrau] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah mekanisme komunikasi yang ditetapkan antara Kementerian Dalam Negeri dengan Kementerian Pembangunan Wanita, Keluarga dan Masyarakat untuk menjamin pelaksanaan dan penyelarasan efektif sistem daftar pesalah seks kanak-kanak.
44. PR-1343-L75742
Datuk Jumat bin Idris [Sepanggar] minta **MENTERI DALAM NEGERI** menyatakan :-
- (a) apakah usaha Kementerian untuk mengatasi masalah penyebaran fahaman pengganas seperti DAESH; dan
 - (b) adakah Malaysia dalam keadaan yang membimbangkan berikutan beberapa penahanan rakyat Malaysia yang terlibat dengan DAESH.
45. PR-1343-L76780
Dr. Mansor bin Abd Rahman [Sik] minta **MENTERI KEMAJUAN LUAR BANDAR DAN WILAYAH** menyatakan apakah Kementerian mempunyai rancangan membangunkan kawasan luar bandar berdasarkan kepada potensi pertumbuhan ekonomi sesuatu kawasan tersebut seperti Parlimen Sik yang mana merupakan kawasan pembangunan getah, bagi menambahbaik dan membangunkan ekonomi penduduk setempat dan bagaimana peranan kementerian dapat membantu dalam pelaksanaan agenda pembangunan mengikut potensi sedia ada di sesuatu kawasan tersebut.
46. PR-1343-L77205
Tuan Anuar bin Abd. Manap [Sekijang] minta **MENTERI SUMBER ASLI DAN ALAM SEKITAR** menyatakan apakah usaha-usaha jangka masa pendek dan panjang kementerian bagi menangani masalah banjir akibat fenomena air pasang besar serta peningkatan aras laut dunia yang tidak lagi dapat ditampung oleh penghadang sedia ada.
47. PR-1343-L77189
Dr. Michael Teo Yu Keng [Miri] minta **PERDANA MENTERI** menyatakan apakah perkembangan perbincangan mengenai usaha untuk merangka Rang Undang-Undang bagi meluaskan definisi rogol dalam Seksyen 376 Kanun Keseksan untuk merangkumi penetrasi jari, anggota badan lain dan objek selain dari alat kelamin lelaki.

48. PR-1343-L75644
Dr. Michael Jeyakumar Devaraj [Sungai Siput] minta **MENTERI PENDIDIKAN** menyatakan mengapa gaji tunggakan dari Mei 2015 hingga Disember 2015 bagi 51 pekerja pembersihan di 7 buah sekolah di Ipoh, Perak masih belum diselesaikan walaupun Jabatan Pendidikan tahu sejak Julai 2015 bahawa kontraktor berkenaan iaitu Time Medi, telah muflis.
49. PR-1343-L77239
Tuan Er Teck Hwa [Bakri] minta **MENTERI DALAM NEGERI** menyatakan warganegara yang terlibat dengan gerakan DAESH dalam negara dan luar negara mengikut pecahan jantina, umur, telah ditangkap, dibebaskan dan dihukum oleh negara atau negara luar.
50. PR-1343-L77247
Datuk Rozman bin Isli [Labuan] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah kerajaan bersedia untuk melaksanakan projek PPR selewatnya tahun 2017. Ini kerana rakyat Labuan yang berpendapatan rendah sangat memerlukannya dan telah pun diumumkan.
51. PR-1343-L77301
Dr. Ong Kian Ming [Serdang] minta **MENTERI DALAM NEGERI** menyatakan jumlah terkini pelarian daripada Syria yang telah diterima oleh Malaysia seperti yang dijanjikan oleh Perdana Menteri di United Nations General Assembly pada 2 Oktober 2015 dan sama ada Perdana Menteri setuju bahawa pelarian Syria yang telah masuk ke Malaysia patut diiktirafkan dengan status "refugee".

ATURAN URUSAN MESYUARAT DAN USUL-USUL

1. **Menyambung semula pertimbangan ke atas Rang Undang-undang Perbekalan 2017 (D.R.17/2016) dan Usul Anggaran Perbelanjaan Pembangunan 2017 seperti berikut:-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh lapan bilion ringgit (RM48,000,000,000) dibelanjakan daripada Kumpulan Wang Pembangunan bagi tahun 2017, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2017, yang dibentangkan sebagai Kertas Perintah 25 Tahun 2016, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (15 November, 2016)

2. **Menteri di Jabatan Perdana Menteri akan mencadangkan :-**

“**BAHAWA** pada Selasa, 25 Oktober 2016 semasa sesi Kamar Khas, Yang Berhormat Lim Lip Eng, Ahli Parlimen Kawasan Segambut dengan biadapnya telah mempersoalkan kuasa Yang di-Pertua Dewan Rakyat yang boleh dikenakan ke atas beliau kerana enggan mengikut arahan Tuan Yang di-Pertua.

BAHAWA Yang Berhormat Segambut juga telah menghina Yang di-Pertua Dewan Rakyat dengan kenyataan “*You are a disgrace to Parliament.... we are elected and you are appointed*”. Kenyataan Yang Berhormat Segambut telah menghina Yang di-Pertua Dewan Rakyat dan Majlis Mesyuarat Dewan Rakyat yang telah memilih beliau sebagai Yang di-Pertua Dewan Rakyat berdasarkan Perkara 57 Fasal 1 Perlembagaan Persekutuan.

BAHAWA Yang Berhormat Segambut sebelum itu telah mengeluarkan satu kenyataan pada 23 Oktober 2016 yang mempertikaikan dan memperlekehkan keputusan Yang di-Pertua Dewan Rakyat berhubung dengan pertanyaan - pertanyaan serta usul yang berkaitan tindakan sivil *in rem* oleh Department of Justice mengenai isu *sub judice*.

BAHAWA Yang Berhormat Segambut juga telah mengeluarkan satu kenyataan semasa sidang media di lobi Parlimen pada Khamis, 7 April 2016 yang menyatakan bahawa Yang di-Pertua Dewan Rakyat gagal dalam usaha-usaha penambahbaikan Parlimen yang sedang dilaksanakan oleh Yang di-Pertua Dewan Rakyat dan meminta agar Yang di-Pertua Dewan Rakyat meletakkan jawatan.

DAN BAHAWA perbuatan dan kenyataan–kenyataan yang dibuat oleh Yang Berhormat Segambut itu adalah merupakan satu penghinaan kepada Tuan Yang di-Pertua Dewan Rakyat yang menjalankan tugas sebagai Pengerusi Dewan ini dan demikian bererti penghinaan juga kepada Dewan Rakyat yang turut mencemarkan nama baik dan prestij Dewan Rakyat.

MAKA INILAH DIPERSETUJUI BAHAWA Yang Berhormat Lim Lip Eng, Ahli Parlimen Kawasan Segambut hendaklah digantung daripada perkhidmatan Majlis Mesyuarat selama enam (6) bulan dari tarikh keputusan usul ini diluluskan.”

- | | | | |
|----|---------------|---|-----------------------------------|
| 3. | (D.R.18/2016) | Rang Undang-Undang Kewangan 2016 | Bacaan Kali
Yang Kedua |
| | | [Menteri Kewangan] | |
| 4. | (D.R.13/2016) | Rang Undang-Undang Mahkamah (Kaedah-Kaedah
Pemulaan Tindakan Sivil) 2016 | “ |
| | | [Menteri di Jabatan Perdana Menteri] | |
| 5. | (D.R.16/2016) | Rang Undang-Undang Pentadbiran Undang-undang
Islam (Wilayah-Wilayah Persekutuan) (Pindaan)
2016 | “ |
| | | [Menteri di Jabatan Perdana Menteri] | |
| 6. | (D.R.15/2016) | Rang Undang-Undang Pendaftaran Kelahiran dan
Kematian (Pindaan) 2016 | “ |
| | | [Menteri Dalam Negeri] | |

7. **Menteri Kewangan** akan mencadangkan :-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan sebahagian pinjaman yang diberikan oleh Kerajaan Malaysia sebanyak RM500 juta kepada Small Medium Enterprise Development Bank Malaysia Berhad (SME Bank), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Lima Ratus Juta (500,000,000) unit saham biasa pada RM1 bagi satu unit saham”.

8. **Menteri Dalam Negeri** akan mencadangkan :-

“Bahawa Majlis ini membuat suatu ketetapan menurut sub-seksyen 4(11), Akta Kesalahan Keselamatan (Langkah-langkah Khas) 2012 supaya sub-seksyen 4(5), Akta ini hendaklah terus berkuatkuasa bagi tempoh 5 tahun lagi mulai dari 31 Julai 2017”.

9. **Dato' Seri Abdul Hadi bin Awang [Marang]** akan mencadangkan :-

“Bahawa Dewan ini memberikan kebenaran menurut Peraturan Mesyuarat 49 (1) kepada Yang Berhormat Ahli bagi kawasan Marang untuk mencadangkan suatu Rang Undang-undang Ahli Persendirian bernama Rang Undang-undang Mahkamah Syariah (Bidang Kuasa Jenayah) (Pindaan) 2016 seperti berikut:-

i. menggantikan Seksyen 2 dengan seksyen berikut:

“**2.** Mahkamah Syariah akan mempunyai kuasa ke atas seseorang penganut agama Islam dan di dalam hal-hal kesalahan di bawah perkara-perkara yang disenaraikan di dalam Butiran 1 Senarai Negeri di bawah Jadual Kesembilan Undang-Undang Persekutuan.”; dan

ii. memasukkan selepas seksyen 2 dengan seksyen berikut:

“**2A.** Dalam menjalankan undang-undang jenayah di bawah Seksyen 2 Mahkamah Syariah berhak menjatuhkan hukuman yang dibenarkan oleh undang-undang syariah berkaitan hal-hal kesalahan yang disenaraikan di bawah seksyen yang disebutkan diatas, selain dari hukuman mati.”

[Menteri di Jabatan Perdana Menteri]

10. PR-1343-U75583

Datuk Dr. Makin @ Marcus Mojigoh [Putatan] akan mencadangkan :-

"Bahawa Dewan ini mengambil maklum bahawa, kesan pemanasan global telah mencapai satu tahap yang amat serius di mana disebabkan peningkatan paras air laut, terdapat banyak sawah-sawah padi tidak lagi dapat ditanam dengan tanaman padi disebabkan sawah-sawah padi ini telah dicemari dengan air masin. Dan mengambil maklum juga bahawa kesan daripada fenomena ini, para petani terutama sekali mereka yang menanam padi di sawah-sawah padi yang berkedudukan tanah rendah atau pesisir pantai kehilangan punca pendapatan dan sekaligus kualiti hidup mereka turut terjejas. Dan mengambil maklum juga bahawa, sebagai langkah mitigasi bagi memulihkan ekonomi para petani ini, Kerajaan hendaklah membantu mereka dengan memperkenalkan tanaman bernilai komersial lain, yang sesuai ditanam di sawah yang dimasuki air masin tersebut seperti penanaman kelapa pandan dan sebagainya. Dan mengambil maklum juga bahawa penyediaan dan pengorekan perparitan untuk meninggikan paras tanah yang dimaksudkan di atas, di kawasan yang terlibat akan membolehkan kawasan yang terlibat tidak ditenggelami air masin. Maka, bagi menangani masalah ini, Dewan ini hendaklah mengambil ketetapan bahawa, di samping menangani isu pemanasan global secara serius, Kerajaan juga harus segera membantu para petani (atau pesawah padi) dalam mengusahakan semula sawah-sawah padi mereka yang terjejas oleh fenomena ini, dengan memperkenalkan tanaman bernilai komersial yang baru di tanah tersebut."

[Menteri Pertanian dan Industri Asas Tani]

11. PR-1343-U75584

Datuk Dr. Makin @ Marcus Mojigoh [Putatan] akan mencadangkan :-

"Bahawa Dewan ini mengambil maklum bahawa dengan purata hujan tahunan negara kini telah meningkat sering kita dengar tentang keadaan banjir kilat yang telah banyak menyebabkan kemusnahan harta benda, ameniti sosial, kerosakan alam sekitar dan lain-lain yang menjangkau jutaan ringgit nilainya. Dan mengambil maklum juga bahawa keadaan banjir ini ditambah burukkan lagi di mana banyak kolam dan paya ditimbus bagi pembangunan hartanah dan sebagainya. Ini menyebabkan sungai-sungai dan terusan tidak lagi dapat menampung jumlah air yang mengalir secara mendadak. Dan mengambil maklum juga bahawa, sebagai langkah mitigasi, kolam-kolam air yang luas boleh diwujudkan dalam sesuatu kawasan bagi menampung air hujan lebat yang turun sebelum ianya mengalir ke sungai-sungai dan terusan, sekali gus dapat mengurangkan kejadian banjir kilat. Dan mengambil maklum juga bahawa, takungan air di kolam-kolam tadi boleh juga dirawat dan disalurkan ke empangan bekalan air yang mana boleh digunakan sebagai air terawat oleh para pengguna. Dan mengambil maklum juga bahawa air daripada takungan kolam itu juga boleh disalurkan kepada industri-industri yang memerlukannya di samping digunakan untuk menyiram tanaman atau taman-taman. Maka, bagi menangani masalah banjir kilat ini, dewan yang mulia ini hendaklah mengambil ketetapan bahawa Kerajaan hendaklah mensyaratkan bahawa sebelum sesuatu zon itu dibangunkan, satu kawasan kolam takungan air hendaklah disediakan bagi maksud di atas."

[Menteri Sumber Asli dan Alam Sekitar]

12. PR-1343-U75585

Datuk Dr. Makin @ Marcus Mojigoh [Putatan] akan mencadangkan :-

"Bahawa Dewan ini mengambil maklum bahawa, ramai graduan serta lulusan sekolah menengah tidak berpeluang untuk mendapatkan kerja dan kebanyakan mereka ini akhirnya hanya berlegar di kampung masing-masing dan tidak berpendapatan. Dan mengambil maklum juga bahawa, masih banyak peluang-peluang perniagaan yang boleh diusahakan di kampung-kampung sekiranya mereka yang berminat mendapat latihan, bimbingan dan bantuan kewangan yang secukupnya. Dan mengambil maklum juga bahawa pihak Kerajaan telah beberapa kali mengutarakan program pembangunan desa seperti program satu kampung satu industri, namun belum ada lagi program seumpamanya yang benar-benar berjaya. Dan mengambil maklum juga bahawa kebanyakan bekalan bahan mentah bagi penghasilan produk makanan, herba, tenusu dan lain-lain lagi boleh didapati di kampung-kampung dengan mudah. Dan mengambil maklum juga bahawa, melalui program "cottage industry" bukan sahaja penduduk kampung yang terlibat dalam program ini akan mendapat manfaat, malah negara secara keseluruhannya akan mendapat manfaat daripada aliran aktiviti ekonomi yang dijana. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan merumus satu mekanisme yang lebih efektif bagi menggalakkan penglibatan penduduk kampung dalam aktiviti "cottage industry" yang mana akan dapat membawa manfaat kepada 15-20 orang daripada setiap kampung."

[Menteri Kemajuan Luar Bandar dan Wilayah]

13. PR-1343-U75586

Datuk Dr. Makin @ Marcus Mojigoh [Putatan] akan mencadangkan :-

"Bahawa Dewan ini mengambil maklum bahawa kos sara hidup keluarga telah meningkat dengan mendadak dan ini dapat dirasakan begitu hebat sekali oleh mereka daripada golongan berpendapatan rendah. Dan mengambil maklum juga bahawa teknologi solar yang terdapat pada hari ini dapat membekalkan tenaga elektrik dengan murah dan mesra alam. Dan mengambil maklum juga bahawa kadar penurunan hujan di negara ini agak tinggi dan boleh membekalkan bekalan air mentah yang cukup sekiranya ditadah dan disimpan dengan baik. Maka, bagi meringankan kos sara hidup keluarga terutama sekali mereka yang dari golongan berpendapatan rendah, Dewan yang mulia ini hendaklah mengambil ketetapan bahawa, semua pembinaan PPRT yang baru hendaklah dilengkapi dengan sistem tenaga solar dan tangki tadahan air bagi membolehkan pemilik rumah tersebut menurunkan sedikit kos sara hidup keluarga mereka."

[Menteri Kesejahteraan Bandar, Perumahan dan Kerajaan Tempatan]

14. PR-1343-U75587

Datuk Dr. Makin @ Marcus Mojigoh [Putatan] akan mencadangkan :-

"Bahawa Dewan ini mengambil maklum bahawa, terdapat desas-desus bahawa pencarum Kumpulan Wang Simpanan Pekerja (KWSP) yang masih menabung dalam KWSP, yang telah mencapai umur 75 tahun, yang dikatakan mencecah jumlah 260,000 orang, tidak lagi dibayar dividen ke atas simpanan mereka di dalam KWSP, seperti yang disiarkan oleh akhbar The Sun Daily. Dan mengambil maklum juga bahawa, kekeliruan ini adalah disebabkan oleh polisi KWSP yang dikeluarkan pada tahun 2008, melalui Akta KWSP 1991 yang menerangkan bahawa simpanan para pencarum yang telah mencapai umur 75 tidak akan dibayar dividen. Dan mengambil maklum juga bahawa para pesara yang masih menyimpan akaun dengan pihak KWSP masih memerlukan sumber pendapatan yang terurus dengan kadar pulangan yang baik dan KWSP dikatakan memberikan kadar pulangan yang baik serta terjamin selamat. Maka, bagi menangani masalah ini dan membela nasib para pendeposit KWSP yang dimaksudkan, Dewan yang mulia ini hendaklah mengambil ketetapan bahawa Kerajaan hendaklah segera meminda Akta 1991 dan membatalkan polisi KWSP 2008 bagi memastikan agar para pencarum atau penabung KWSP menerima dividen selagi mereka masih mempunyai akaun yang aktif dengan KWSP."

[Menteri Kewangan]

15. PR-1343-U75588

Datuk Dr. Makin @ Marcus Mojigoh [Putatan] akan mencadangkan :-

"Bahawa Dewan ini mengambil maklum bahawa, kos barangan dan kos sara hidup di negeri Sabah adalah antara yang tertinggi di negara ini dan polisi kabotaj, dikatakan sebagai antara penyebab utama keadaan ini berlaku. Dan mengambil maklum juga bahawa, akibat polisi kabotaj ini, kapal-kapal dagang dari luar negara tidak dibenar memunggah dan mengangkut barangan dari mana-mana pelabuhan di Malaysia kecuali di Pelabuhan Klang. Ini menyebabkan barangan tersebut terpaksa di angkut semula dengan kos tambahan ke pelabuhan-pelabuhan di negeri Sabah dan Sarawak. Dan mengambil maklum juga bahawa disebabkan polisi kabotaj ini, kadar caj penghantaran antara pelabuhan ditetapkan oleh pihak perkapalan dengan kawalan terhad oleh pihak Kerajaan. Misalnya, caj penghantaran kontena 20 kaki dari pelabuhan Klang ke pelabuhan Kota Kinabalu ialah RM2,436, ke pelabuhan Sandakan RM3,235 dan ke pelabuhan Tawau RM3,336. Ternyata caj ini adalah terlalu tinggi jika dikira dari segi jarak batu nautika antara pelabuhan berbanding dengan caj penghantaran di pelabuhan-pelabuhan lain. Maka, bagi menangani masalah ini serta mengimbangi harga barangan dan kos sara hidup di negeri Sabah, Dewan yang mulia ini hendaklah mengambil ketetapan bahawa Kerajaan hendaklah segera membatalkan polisi kabotaj ini bagi meringankan beban rakyat Sabah dan Sarawak khususnya."

[Menteri Kewangan]

16. PR-1343-U75589

Datuk Dr. Makin @ Marcus Mojigoh [Putatan] akan mencadangkan :-

"Bahawa Dewan ini mengambil maklum bahawa kebanjiran warga asing ke negara ini telah membawa budaya yang kurang baik di negara ini di mana mereka dengan sewenang-wenangnya membuang sampah merata-rata dan ini dapat kita lihat di kota-kota besar pada hujung minggu di mana mereka ini keluar beriadah. Dan mengambil maklum juga bahawa, sejak akhir-akhir ini, penduduk tempatan juga telah mula dijangkiti dengan sikap kutu sampah yang dimaksudkan di atas, di mana penduduk tempatan juga mula membuang sampah merata-rata. Dan mengambil maklum juga bahawa penularan pelbagai jenis penyakit bawaan vektor, tikus, lipas dan lalat, pembuangan sampah merata-rata telah menambah-burukkan lagi ancaman kesihatan di negara ini. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah memindah undang-undang bagi menghukum kutu-kutu sampah dengan hukuman lebih berat lagi disamping menggalakkan lebih banyak usaha untuk kitar semula dijalankan."

[Menteri Kesejahteraan Bandar, Perumahan dan Kerajaan Tempatan]

17. PR-1343-U76223

Tuan Nga Kor Ming [Taiping] akan mencadangkan :-

"Bahawa Dewan yang mulia ini meluluskan satu ketetapan supaya Laporan Ketua Audit Negara berkenaan dengan isu 1 MDB (1 Malaysia Development Bhd) dibentang dan dikemukakan untuk perbahasan di Dewan Rakyat dengan kadar segera."

[Perdana Menteri]

18. PR-1343-U76225

Tuan Nga Kor Ming [Taiping] akan mencadangkan :-

"Bahawa Dewan yang mulia ini meluluskan satu ketetapan supaya YAB Perdana Menteri dan seluruh anggota Menteri Kabinet mengisytiharkan harta dan aset mereka kepada Dewan Rakyat tiap-tiap tahun pada bulan Disember."

[Perdana Menteri]

19. PR-1343-U76226

Tuan Nga Kor Ming [Taiping] akan mencadangkan :-

"Bahawa Dewan yang mulia ini meluluskan satu ketetapan supaya mengesyorkan kepada DYMM Seri Paduka Baginda Yang Di Pertuan Agong untuk menubuhkan satu Suruhanjaya Diraja supaya menyiasat dan mengemukakan laporan siasatan terhadap skandal kewangan 1MDB dengan kadar segera."

[Perdana Menteri]

20. PR-1343-U76228

Tuan Nga Kor Ming [Taiping] akan mencadangkan :-

"Bahawa Dewan yang mulia ini meluluskan satu ketetapan selaras dengan titah Majlis Raja-Raja Melayu dimana Akta Majlis Keselamatan Negara 2016 dibentang dan dikaji semula di Dewan Rakyat dengan kadar segera."

[Perdana Menteri]

21. PR-1343-U77356

Tuan M. Kulasegaran [Ipoh Barat] akan mencadangkan :-

"Bahawa Dewan ini mengambil maklum, Parlimen sepatutnya mengambil maklum kes penembakan Lucus a/l Asirvatham dari Ipoh semasa bekerja di kebunnya di Chemor Perak pada 11 Ogos 2016 oleh seorang bekas pegawai kanan polis. Kes penembakan tersebut perlu disiasat secara ketat dan efektif melalui penubuhan sebuah badan jawatankuasa yang bebas dan integriti serta laporannya diumumkan kepada orang ramai (made public)."

[Menteri Dalam Negeri]

22. PR-1343-U75910

Dr. Tan Seng Giaw [Kepong] akan mencadangkan :-

"Bahawa Dewan ini membahaskan langkah-langkah untuk mencegah pengganas di Malaysia."

[Menteri Dalam Negeri]

23. PR-1343-U75911

Dr. Tan Seng Giaw [Kepong] akan mencadangkan :-

"Bahawa Dewan ini memperbincangkan dasar penyelenggaraan semua jenis pengangkutan di negara".

[Menteri Pengangkutan]

24. PR-1343-U75794

Tuan Fong Kui Lun [Bukit Bintang] akan mencadangkan :-

"Bahawa Kerajaan mempergiatkan usaha untuk meyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 59 tahun lalu supaya mereka boleh hidup dengan aman dan saling memerlukan dan memahami antara satu sama lain bagi memudahkan mereka membangunkan ekonomi negara secara bersama dan merealisasikan impian Malaysia."

[Perdana Menteri]

25. PR-1343-U75795

Tuan Fong Kui Lun [Bukit Bintang] akan mencadangkan :-

"Bahawa Kerajaan memulihkan pilihan raya kerajaan tempatan seluruh negara supaya urustadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

[Menteri Kesejahteraan Bandar, Perumahan dan Kerajaan Tempatan]

26. PR-1343-U75707

Tuan Loke Siew Fook [Seremban] akan mencadangkan :-

"Bahawa Dewan ini merakamkan sekalung tahniah dan setinggi-tinggi penghargaan kepada wira dan wirawati negara yang telah mengharumkan nama negara di Sukan Paralimpik dan Olimpik 2016 di Rio De Janeiro. Kejayaan Mohamad Ridzuan Mohamad Puzi acara 100 meter, Muhammad Ziyad Zolkefli acara lontar peluru dan Abdul Latif Romly acara lompat jauh merangkul tiga pingat emas pertama untuk Malaysia dalam Sukan Paralimpik serta dua rekod dunia yang dicapai oleh mereka adalah satu kejayaan yang luar biasa dan sangat membanggakan. Atlet wanita Siti Noor Radiah Ismail yang memenangi pingat gangsa dalam acara lompat jauh di Sukan Paralimpik juga merupakan satu pencapaian yang membanggakan. Dewan ini juga merakamkan ucapan setinggi-tinggi tahniah terhadap atlet-atlet negara yang memenangi 4 pingat perak dan 1 pingat gangsa di Sukan Olimpik Rio 2016 iaitu pemenang pingat perak dalam acara badminton perseorangan lelaki Dato Lee Chong Wei, badminton beregu lelaki Goh V Shem-Tan Wee Kiong, badminton beregu campuran Chan Peng Soon-Goh Chan Ying dan pemenang pingat perak dalam acara terjun Pandelesa Rinong-Chan Jun Heong serta pemenang pingat gangsa acara berbasikal keirin Azizulhasni Awang. Atlet-atlet tersebut telah mencapai keputusan yang terbaik untuk kontijen Malaysia dalam sejarah penyertaan negara dalam Sukan Olimpik dan kejayaan tersebut harus membanggakan oleh seluruh rakyat Malaysia."

[Menteri Belia dan Sukan]

27. PR-1343-U77348

Tuan Liew Chin Tong [Kluang] akan mencadangkan :-

"Bahawa Dewan ini bersetuju mengurangkan peruntukan untuk JPM dan menyalurkan kepada peruntukan bagi hal ehwal pendidikan, pengangkutan awam, kesihatan dan kebajikan rakyat. Peruntukan untuk Jabatan Perdana Menteri telah dihadkan tahapnya pada tahun 2008 iaitu masing-masing sebanyak RM3.4 bilion bagi peruntukan pengurusan dan RM3.5 bilion untuk pembangunan. Ini membawa kepada jumlah keseluruhan sebanyak RM6.9 bilion. Berbanding 2016, anggaran peruntukan pengurusan dan pembangunan telah melepasi tahap ditetapkan pada 2008 tersebut iaitu masing-masing sebanyak RM5.9 bilion dan RM14 bilion yang membawa kepada jumlah keseluruhan RM20 bilion."

[Menteri Kewangan]

28. PR-1343-U77349

Tuan Liew Chin Tong [Kluang] akan mencadangkan :-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh Kementerian Pertahanan, mesti dibawa ke Parlimen dibahas dan diaudit oleh Jabatan Audit Negara supaya untuk syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Kapal Selam Scorpene telah menimbulkan banyak persepsi negatif terhadap negara."

[Perdana Menteri]

29. PR-1343-U77437

Tuan Manivanan a/l Gowindasamy [Kapar] akan mencadangkan :-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Dalam Negeri]

30. PR-1343-U77438

Tuan Manivanan a/l Gowindasamy [Kapar] akan mencadangkan :-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga simati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

31. PR-1343-U77439

Tuan Manivanan a/l Gowindasamy [Kapar] akan mencadangkan :-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

[Menteri Pendidikan]

32. **Tuan Gobind Singh Deo [Puchong]** akan mencadangkan:-

Pada 17.10.2016, Tuan Yang Di-Pertua telahpun membuat keputusan di dalam Dewan Rakyat seperti berikut:

Jadi masa tidak lagi mengizinkan. Jadi sesi pertanyaan-pertanyaan bagi jawapan lisan berakhir dan sebelum saya memanggil Setiausaha untuk beredar ke urusan mesyuarat yang lain, ada satu perkara mustahak yang ingin saya umumkan iaitu Ahli-ahli Yang Berhormat **saya mendapati beberapa soalan dalam pertanyaan jawapan lisan dan bertulis serta usul yang telah dikemukakan bagi Mesyuarat Ketiga Penggal Keempat Parlimen Ketiga Belas kali ini berkaitan dengan satu isu yang menjadi kegemaran ahli-ahli Yang Berhormat iaitu isu tindakan sivil in rem oleh Jabatan Keadilan Amerikat Syarikat atau singkat DOJ.**

Jadi untuk mengelakkan lagi satu pertuduhan seperti di sesi yang lalu iaitu di mana soalan yang perlu dijawab secara lisan oleh kerana tidak ada masa untuk dijawab pada ketika itu, maka Menteri menjawab mengatakan bahawa tidak payalah dijawab secara bertulis oleh kerana itu adalah *sub judice*.

Jadi dalam hal ini, dalam sesi ini juga ada perkara-perkara yang sedemikian. Jadi saya tidak mahu lagi timbul satu persepsi di mana Menteri akan dituduh bahawa dia *assumed the role of Speaker*. **Jadi untuk itu setelah meneliti isi kandungan pertanyaan-pertanyaan tersebut, saya mendapati bahawa ia adalah perkara yang masih dalam timbangan mahkamah ataupun sub judice. Oleh itu Menteri yang berkenaan tidak perlu jawab kepada perkara-perkara tersebut.**

Manakala kepada Ahli-ahli Yang Berhormat yang sedemikian untuk memuaskan hati mereka saya akan sampaikan setiap Ahli Yang Berhormat keputusan saya secara bertulis. Terima kasih. Sila.

Dengan hormatnya, saya usulkan supaya keputusan Tuan Yang Di-Pertua tersebut dikaji semula menurut Peraturan 43 Peraturan Majlis Mesyuarat di atas alasan-alasan berikut:

- (i) Peraturan yang menghalang pertanyaan oleh kerana sub judice tidak terpakai kepada kes-kes di luar Malaysia.

- (ii) Oleh yang demikian, tindakan *civil in rem* oleh Jabatan Keadilan Amerika Syarikat tidak boleh menjadi asas untuk penolakan soalan ataupun seseorang Menteri dikecualikan daripada menjawab soalan tersebut atas alasan perkara itu sub judis.
- (iii) Perkara ini dibincangkan dalam "Buku Erskine May's Treaties on The Law, Privileges, Proceeding's and Usage of Parliament 24th Edition 2011" di mana 365 dimukasurat disebut seperti berikut:

Matters sub judice

By a resolution of the House, cases in which proceedings are active in United Kingdom courts shall not be referred to in any motion, debate or question (see pp 396, 441-443); though the House has further resolved to give Chair some discretion to allow reference to be made to matters awaiting or under jurisdiction in all civil courts in certain specified circumstances, **provided that there is no real and substantial danger of prejudice to the proceedings.** The 'sub judice rule' as it is called, also applied to matters before a coroner's court or a Fatal Accident Inquiry. If the subject-matter of the question is found to be, or become, sub judice of the questions has been given, the Member is asked to withdraw it, or the Speaker may direct it to be removed from the notice paper or refuse to allow it to be asked if it is on the Order Paper.

The rule does not apply to matters which are sub judice in courts of law outside Great Britain and Northern Island, nor to matters which are the subject of administrative inquiry.

- (iv) jadi dengan segala hormatnya, jelas bahawa keputusan Tuan Speaker yang berasaskan kepada alasan sub judice adalah bertentangan dengan praktis yang diamalkan berkenaan isu itu dan oleh yang sedemikian boleh dan perlu dikaji semula.
2. Seterusnya dengan merujuk kembali lagi kepada petikan di dalam buku Erskine May di atas adalah jelas bahawa **sekiranya pun prosiding tersebut di dalam negara ini**, Tuan Speaker dalam memutuskan isu sama ada ataupun tidak perkara ini dihalang kerana sub judice perlu menilai sama ada wujud ataupun tidak "*real and substantial danger of prejudice*" kepada prosiding tersebut.
- (i) Dengan segala hormatnya untuk menimbang dan seterusnya membuat keputusan berkenaan perkara itu, saya berpendapat bahawa Tuan Speaker perlu:
 - (a) memberikan Ahli-ahli Parlimen peluang untuk didengar sebelum membuat sebarang keputusan berkenaannya.
 - (b) menyakinkan diri dengan rujukan penuh kepada prosiding Mahkamah tersebut dan seterusnya menimbang kesan soalan-soalan yang ditanya kepada prosiding tersebut sebelum membuat keputusan tersebut.

- 2 (ii) Di dalam hal ini, saya memohon supaya Tuan Speaker menjelaskan sama ada ataupun tidak Tuan Speaker ada salinan dan sudah menimbang dengan mendalam semua kertas-kertas kuasa dalam prosiding DOJ tersebut (iaitu tuntutan dan jawapan-jawapan kepadanya sekiranya ada) untuk menyakinkan diri Tuan Speaker berkenaan fakta-fakta serta isu-isu yang berbangkit dalam perkara itu untuk membuat keputusan bahawa soalan-soalan itu adalah dihalang oleh perkara *sub judice*.

- 3 (i) seterusnya saya dengan segala hormatnya memohon rujuk kepada Peraturan 36(1) dan 23(1)(g) Peraturan Mesyuarat Dewan Rakyat di mana cukup jelas bahawa perkara yang perlu diputuskan adalah:

23(1)(g) A question shall not be so drafted as to be likely to prejudice a case under trial, or be asked to any matter **which is sub judice**; dan

36(2) Reference shall not be made to any matter which is sub judice in such a way might in the opinion of chair ***prejudice the interests of parties thereto***"

- 3 (ii) Dengan segala hormatnya, menurut Peraturan tersebut Tuan Speaker perlu untuk menentusahkan "parties" kepada tindakan ini dan kepentingan mereka sebelum keputusan berkenaan prejudis yang mungkin timbul seakibat soalan yang diajukan itu.

Tuan Speaker,

Negara kami dilanda krisis dan segi wujudnya satu perkara yang melibatkan wang yang sangat besar yang kini menjadi topik perbincangan hangat bukan sahaja di Malaysia tetapi di seluruh dunia.

Perkara ini telahpun menyebabkan tindakan yang tegas diambil oleh negara-negara seperti Singapura, United Kingdom dan Amerika Syarikat manakala di negara kita tiada sebarang tindakan berkesan diambil terhadap mana-mana pihak sama sekali sehingga sekarang.

Perkara ini telahpun menyebabkan banyak soalan ditanya oleh rakyat Malaysia khususnya berkenaan corak pentadbiran Kerajaan kami dan pengendalian siasatan perkara ini oleh jabatan-jabatan seperti Jabatan Peguam Negara, PDRM dan SPRM.

Isu ini sudah semestinya menjadi satu isu berkepentingan awam dan amat sangat perlu dibahaskan di dalam Dewan Rakyat.

Keputusan Tuan Speaker dengan segala hormatnya mempunyai kesan penghalang perkara ini daripada dibahaskan secara transparan dan juga memprejudiskan kesemua pihak dengan amat sangat oleh kerana mereka kehilangan peluang untuk menyoal dan menjelaskan semua keraguan yang timbul di dalam Dewan Rakyat yang mulia ini untuk pengetahuan rakyat Malaysia secara keseluruhannya.

Saya juga merayu kepada Tuan Speaker supaya melihat kepada “precedent” yang akan dicapai melalui keputusan ini di mana daripada sekarang, mudah sekali untuk sesiapa menghalang sesuatu perkara itu dibangkitkan di Dewan Rakyat iaitu dengan memfailkan atau merujuk kepada prosiding di luar negara untuk tujuan itu.

Ini kepada saya bukan niat ataupun matlamat yang ingin dicapai oleh Peraturan Mesyuarat yang digubal untuk “enhance” dan bukannya “restrict” dengan izin, perbincangan perkara-perkara penting untuk negara kita di dalam Dewan Rakyat yang mulia ini.

Maka saya selaku Ahli Parlimen Puchong merayu supaya usul saya dibenarkan dibahas dan keputusan Tuan Speaker itu, dikaji semula dan diketepikan dengan serta merta.

[Perdana Menteri]

33. **Tuan Sim Chee Keong [Bukit Mertajam]** akan mencadangkan :-

Pada 1 November 2016 (Ruj. YPDR.08/4/1/9(20)) Yang Berhormat Tuan Yang di-Pertua telah memberi maklumbalas secara bertulis kepada saya berhubung usul saya untuk merujuk Yang Amat Berhormat Ahli Parlimen Pekan kepada Jawatankuasa Hak dan Kebebasan seperti yang diperuntukkan oleh Perkara 36(12), Peraturan-peraturan Majlis Mesyuarat Dewan Rakyat (“Peraturan Mesyuarat”). Alasannya ialah, Ahli Pekan telah mengumumkan perkara dalam Ucapan Bajet beliau pada 21 OKTOBER 2016 yang sama ada tidak terkandung ataupun berbeza dengan apa yang termaktub dalam Kertas Perintah 25 Tahun 2016 iaitu Anggaran Perbelanjaan Persekutuan 2017 (“Anggaran tersebut”) seperti berikut:

“Setelah mengkaji dan mempertimbangkan usul Yang Berhormat berhubung dengan isu-isu yang dibangkitkan serta maklum balas yang dikemukakan, saya berpuas hati bahawa tiada kes prima facie wujud terhadap Yang Amat Berhormat Menteri Kewangan, Ahli Parlimen Kawasan Pekan. Ini adalah kerana Ucapan Bajet 2017 merupakan ucapan dasar yang melibatkan perancangan dan pelaksanaan projek/program Kerajaan bagi tahun kewangan yang akan datang. Sumber pembiayaan bagi pelaksanaan perancangan Kerajaan boleh ditanggung melalui Kumpulan Wang Disatukan, entiti seperti Badan Berkanun Persekutuan dan syarikat milik Kerajaan. Sekiranya pembiayaan adalah tidak daripada Kumpulan Wang Disatukan maka amaunnya tidak perlu dinyatakan dalam Anggaran Perbelanjaan Persekutuan yang dibentangkan.”

Saya, dengan rendah diri, ingin menyatakan bahawa saya tidak bersetuju dengan keputusan Yang Berhormat Tan Sri tersebut.

Justeru, saya ingin mengusulkan agar keputusan Yang Berhormat Tan Sri dikaji semula menurut Perkara 43 Peraturan Mesyuarat tersebut berasaskan sebab-sebab berikut:

- I. Jelas ada perkara yang disebut dalam Ucapan Bajet tetapi tidak terkandung dalam Anggaran tersebut – dan ini diakui sendiri oleh Menteri Kewangan 2, Yang Berhormat Ahli dari Titiwangsa, dalam ucapan beliau pada 07 NOVEMBER 2016.
- II. Jelas ada perkara yang disebut dalam Ucapan tersebut dan ada terkandung dalam Anggaran tersebut tetapi nilai yang diperuntukkan adalah jauh berbeza antara kedua-dua dokumen. Ini juga diakui sendiri oleh Menteri Kewangan 2 dalam ucapan beliau yang disebut di atas.
- III. Walaupun Menteri Kewangan 2 telah cuba menjawab pertuduhan tersebut, namun, jawapan beliau tidak memadai untuk menjelaskan bahawa Ucapan Bajet itu TIDAK mengelirukan Majlis. Sebaliknya, penerangan beliau menunjukkan bahawa Ucapan Bajet yang sarat dengan retorik politik kepartian tersebut, penuh dengan amalan Bajet tidak telus, tidak teratur dan tidak mudah ditelitikan. Amalan sedemikian seterusnya akan menghalang urusan Parlimen.
- IV. Penjelasan terhadap pertuduhan, jika ada, perlu dijawab sendiri oleh Ahli yang membuat ucapan tersebut dan bukan oleh orang lain sebab pihak yang dirujuk adalah individu yang spesifik.

Oleh itu, demi integriti Parlimen yang mulia ini, saya merayu agar Yang Berhormat Tan Sri boleh mengkaji semula keputusan Yang Berhormat Tan Sri serta membenarkan usul asal saya.

[Perdana Menteri]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN</u> <u>2016</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
DR.10	Laporan Jawatankuasa Kira-kira Wang Negara. - Pengurusan Perolehan Perabot Bagi Cadangan Pembinaan Semula Kem Batalion 5, Pasukan Gerakan Am, Simpang Renggam, Johor.	16 November 2016
ST.62	Laporan Tahunan dan Penyata Kewangan Akademi Sains Malaysia (ASM) Bagi Tahun 2015.	16 November 2016
ST.114	Laporan Tahunan dan Penyata Kewangan Lembaga Penyelidikan dan Pembangunan Perhutanan Malaysia Bagi Tahun 2015.	16 November 2016
ST.129	Laporan Tahunan dan Penyata Kewangan Pertubuhan Keselamatan Sosial (PERKESO) Bagi Tahun 2015.	16 November 2016
ST.136	Laporan Tahunan dan Penyata Kewangan Majlis Sukan Wilayah Persekutuan Bagi Tahun 2015.	16 November 2016

****UCAPAN
(PERATURAN MESYUARAT 17 BAHARU)
(KAMAR KHAS)**

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 16.11.2016 (Rabu)	1. YB Dr. Ong Kian Ming (Serdang)	1. Tempat Letak Kereta Bertingkat Di KTM Serdang Yang Masih Belum Dibuka Untuk Kegunaan Umum Dan Persiapan 'Lay By' Di KTM Serdang.	1. YB Menteri Pengangkutan
2. 16.11.2016 (Rabu)	2. YB Puan Alice Lau Kiong Yieng (Lanang)	2. Peruntukan Untuk Taska Autisme Sibü.	2. YB Menteri Pembangunan Wanita, Keluarga Dan Masyarakat

**** Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17 Baharu)**